

Udhëzime rreth mundësisë për t'u vaksinuar nëpër shkolla

Nëse e pranoni apo jo mundësinë e vaksinimit, ky sigurisht që është një vendim individual. Duhet peshuar argumentet pro dhe kundër, nëse është e nevojshme edhe duke u këshilluar me mjekët. Edhe personi që është regjistruar njëherë për t'u vaksinuar, mund të tërhiqet kurdoherë mbrapsht.

Gjatë orarit të vaksinimit, nxënësit - ashtu si gjatë vizitave të nevojshme te mjeku - do të jenë të justifikuar nga ora e mësimi.

Në ditën e vaksinimit, lutemi t'u kushtoni vëmendje sa vijon:

- hani dhe pini mjaftueshëm,
- vishni rroba që ju lejojnë ta zhvishni lehtësisht pjesën e sipërme të krahut.

Ata që do të vaksinohen, ditën e vaksinimit duhet të sjellin me vete këto gjëra:

- librezën e vaksinimit (nëse e keni),
- një dokument identifikimi ose kartën e sigurimit shëndetësor,
- fletëinformacionin e plotësuar dhe të nënshkruar (shtojca 2),
- anamnezë e plotësuar me gjithë deklaratën e nënshkruar të miratimit (shtojca 3).

Në lidhje me SARS-CoV-2 do të merrni gjithashtu informacionin e mëposhtëm:

- Broshurën e koronës për fëmijë dhe adoleshentë (shtojca 4)

Për nxënësit që do të pranojnë të vaksinohen nga shkolla ose në shkollë, vlejnë të njëjtat rregulla si në qendrat e vaksinimit për sa i përket dhënies së miratimit dhe shoqërimit:

- Për moshat 12 deri në 15 vjeç, përveç dhënies së miratimit prej të dy kujdestarëve ligjorë, kërkohet edhe që të paktën njëri nga kujdestarët ligjor të jetë i pranishëm gjatë vaksinimit.
- Për nxënësit e moshës 16 vjeç e sipër mjafton miratimi nga njëri prej kujdestarëve, dhe nuk është e detyrueshme prania e një kujdestari ligjor gjatë vaksinimit.
- Nxënësit dhe nxënëset e moshës madhore e nënshkruajnë vetë deklaratën e tyre të miratimit.

Gjatë vaksinimit në shkolla, personat shoqërues duhet të respektojnë rregullat e vlefshme për hyrjen në ambientet e shkollës në përputhje me nenin 3 të SchulKitaCoVO. Prindërit dhe personat e tjerë shoqërues kanë mundësi që të marrin falas vërtetimin e testit të nevojshëm, duke u testuar në shkollë.

Të gjithë ata që do të jenë të vaksinuar plotësisht, nuk janë të detyruar të testohen për të hyrë në ndërtesën e shkollës.

Në lidhje me sigurimin ligjor të mbrojtjes ndaj aksidenteve për nxënësit e shkollës vlen sa vijon:

- Gjatë rrugës dhe gjatë qëndrimit në vendin e vaksinimit nxënësit e shkollës kanë sigurim ligjor të mbrojtjes ndaj aksidenteve; kjo vlen si për vaksinimet nëpër shkolla ashtu edhe për vaksinimet në kuadrin e ekskursioneve për tek qendrat e vaksinimit të udhëhequra nga mësuesit.
- Për vetë vaksinimin nuk ka sigurim ligjor të mbrojtjes ndaj aksidenteve (dëme të mundshme nga vaksinimi mbulohet nga Ligji për Mbrojtjen ndaj Infeksionit).